

013/14



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E TË
DHËNAVE PERSONALE
DREJTORIA PËR TË DREJTËN E INFORMIMIT

Nr. 180/1 Prot

Tiranë, më 4/03/2015

Lënda: Mbi ankimin ndaj refuzimit për dhënie të informacionit dhe kopje të dokumenteve zyrtare

Drejtuar: **KOMUNËS VRESHTAS**

Korçë

Për dijeni: **QENDRËS "RES PUBLICA"**

Adresa: Rr. "Nikolla Tupe", P. nr. 4 shk. 1 Ap. 5.

Email: dorian.matlija@gmail.com

Tiranë

Pranë Zyrës së Komisionerit për të drejtën e informimit dhe mbrojtjen e të dhënave personale, është depozituar ankesa nr.180 Prot., datë 02.03.2015, nga Qendra "Res Publica", me objekt "Ankim ndaj refuzimit për dhënie të informacionit dhe kopje të dokumenteve zyrtare". Ankuesi nëpërmjet shkresës datë 21.01.2015, ka kërkuar nga Komuna Vreshtas t'i vihet në dispozicion, "Informacion mbi masat e marra nga Komuna Vreshtas, Korçë ndaj anëtarëve të njësisë së prokurimit, referuar vendimit nr. 114, datë 22.09.2014, si dhe vënja në dispozicion e një kopjeje vendimi ku janë parashikuar masat e marra".

Pas refuzimit të dhënies së informacionit, ankuesi kërkon nga KDIMDP, ushtrimin e kompetencave që i njeh ligji për rastet e refuzimit të dhënies së informacionit si dhe urdhërimin e dhënies së informacionit/dokumentacionit nga autoriteti publik. Komisioneri vlerëson se, Komuna Vreshta detyrohet sipas nenit 14 dhe 16 të ligjit, të informojë ankuesin lidhur me kërkesën e tij. Në rast të kundërt ky mosveprim konsiderohet kundërvajtje administrative dhe në përputhje me nenin 18/2/a/ë/g të ligjit nr. 119/2014 "Për të drejtën e informimit", "a) refuzimi i dhënies së informacionit, në kundërshtim me parashikimet e këtij ligji, dënohet me 150 000 deri në 300 000 lekë". ë) mosdërgimi i kërkesës për informim te një autoritet tjetër publik, brenda afatit të parashikuar në pikën 2, të nenit 12, të këtij ligji, dënohet me 150 000 deri në 300 000 lekë; g) mosnjoftimi i kërkuarit se kërkesa e tij i është dërguar një autoriteti tjetër dhe kontaktet e nevojshme i janë dërguar autoritetit tjetër, në kundërshtim me parashikimet e pikës 3, të nenit 12, të këtij ligji, dënohet me 50 000 deri në 100 000 lekë.

Në kushte të tilla, përpara marrjes së vendimit, Komisioneri kërkon të trajtoni kërkesën e ankuesit Qendra "Res Publica" dhe të vlerësoni dhënien e informacionit të kërkuar brenda datës 13.03.2015.

Në rast mosveprimi nga ana juaj brenda afatit të përcaktuar (datë 13.03.2015), Zyra e Komisionerit do të vlerësojë mbi ndjekjen e procedurës së mëtejshme në përputhje me nenin 18 dhe 24 të ligjit nr. 119/2014.

